

Visoki predstavnik pozdravlja napredak u završnoj fazi “Buldožer” procesa

Visoki predstavnik Paddy Ashdown je danas pozdravio ozbiljan pristup bosanskohercegovačkih političara koji su doveli “Buldožer” proces do samog završetka. Rok od 150 dana koji je postavila Komisija “Buldožer” da se ozakoni 50 reformi, ističe sljedeće sedmice.

“Vlade i parlamenti na državnom nivou, u entitetima i u Distriktu Brčko, su konstruktivno i pravovremeno reagirali na ovaj proces”, izjavio je Visoki predstavnik. “Vjerujem da ćemo u toku sljedeće sedmice vidjeti i završetak ove faze procesa i započinjanje novog kruga razgovora o budućim preporukama Komisije “Buldožer” koje će, nadamo se, biti završene prije kraja godine.”

U utorak je Vijeće ministara BiH usvojilo pet “Buldožer” preporuka, što znači da je ukupno do sada usvojeno 12 preporuka od mogućih 13 koje je Komisija preporučila. Parlamentarna skupština BiH će razmatrati preporuke koje će dostaviti Vijeće ministara početkom iduće sedmice. Preostala “Buldožer” preporuka, o kojima se zbog tehničkih razloga nije moglo diskutirati na današnjoj sjednici Vijeća ministara, ne moraju proći kroz parlamentarnu proceduru.

U petak će se u Banjoj Luci održati zajednički sastanak vlada Federacije i Republike Srpske, te vlasti Distrikta Brčko, kako bi se raspravljalo o usklađivanju Buldožer reformi vezanih za područje oporezivanja. Brčko je usvojilo pet od predloženih šest “Buldožer” preporuka, te će nakon sastanka u petak razmatrati i šestu koja se tiče pomijeranja tački za ubiranje poreza prilikom prodaje roba. Vlada RS je usvojila svih 12 reformi koje je predložila Komisija “Buldožer”, dok

Vlada Federacije BiH još uvijek razmatra dvije reforme.

U preporukama, koje je Vijeće ministara danas usvojilo, nalazi se i odluka o ukidanju propisa kojim se zahtijevalo da se predstavništva stranih preduzeća u BiH registriraju u oba entiteta ukoliko žele da posluju na cijeloj teritoriji BiH. "Ovo je upravo ona vrsta nespotrebnog i skupog propisa kojim se spriječava ulaganje stranih preduzeća u Bosnu i Hercegovinu kao i otvaranje novih radnih mjesta", rekao je visoki predstavnik. "S jedne strane ovakvi propisi dovode do toga da strani investitori ulažu svoja sredstva u druge zemlje, a ne u BiH, a s druge strane ne donose nikakvu korist građanima BiH. Čestitam Vijeću ministara na njihovom radu u skladu s preporukom Komisije "Buldožer", koja je usmjerena ka rješavanju problema nastalih na osnovu ovog propisa i drugih propisa koji onemogućavaju zapošljavanje."

"Proces koji je pokrenula Komisija "Buldožer" je na efikasan način okupio poslovne ljude i političare u nastojanju da provedu najavljene reforme koje će pomoći bh. privredi", izjavio je visoki predstavnik.